



Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-04-33624-5/24
Sarajevo, 27.06.2024. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo”, broj: 36/14 - Novi prečišćeni tekst i 37/14 - Ispravka) i člana 23. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine”, broj: 35/05) Vlada Kantona Sarajevo, na **30.** sjednici održanoj **27.06.2024.** godine, donijela je

ZAKLJUČAK

1. Prihvata se Izvještaj o realizaciji Plana povratka u i iz Kantona Sarajevo za period 01.01.-31.12.2023.godine, sa osvrtom na problematiku obezbjeđenja alternativnog smještaja - privremenog smještaja i Plan povratka u i iz Kantona Sarajevo za 2024. godinu.
2. Izvještaj iz tačke 1. ovog zaključka dostavlja se Skupštini Kantona Sarajevo, na nadležnoodlučivanje.
3. Ovaj zaključak stupa na snagu danom donošenja.

PO OVLAŠTENJU PREMIJERA

ministrica Softić Kadenić Darja

Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Ministarstvo za rad, socijalnu politiku, raseljena lica i izbjeglice Kantona Sarajevo,
6. Evidencija,
7. A r h i v a.





Broj:
Sarajevo,

Na osnovu čl. 117. i 120. Poslovnika Skupštine Kantona Sarajevo (“Službene novine Kantona Sarajevo”, broj: 41/12 – Drugi novi Prečišćeni tekst, 15/13, 47/13, 47/15, 48/16, 9/20, 14/20, 16/22, 17/22 – Ispravka) i čl. 23. Zakona o organizaciji organa uprave u Federaciji Bosne i Hercegovine (“Službene novine Federacije Bosne i Hercegovine”, broj: 35/05), Skupština Kantona Sarajevo, na _____ radnoj sjednici održanoj dana _____ godine, povodom razmatranja Izvještaja o realizaciji Plana povratka u i iz Kantona Sarajevo za period 01.01.-31.12.2023. godine, sa osvrtom na problematiku obezbjeđenja alternativnog-privremenog smještaja i Plan povratka u i iz Kantona Sarajevo za 2024. godinu, donijela je slijedeći

Prijedlog

ZAKLJUČAK

Usvaja se Izvještaj o realizaciji Plana povratka u i iz Kantona Sarajevo za period 01.01.-31.12.2023. godine, sa osvrtom na problematiku obezbjeđenja alternativnog-privremenog smještaja i Plan povratka u i iz Kantona Sarajevo za 2024. godinu.

Broj:
Sarajevo,

**PREDSJEDAVALAČI
SKUPŠTINE KANTONA SARAJEVO**

Elvedin Okerić

O B R A Z L O Ž E N J E

I – PRAVNI OSNOV

Pravni osnov za donošenje ovog zaključka sadržan je u čl. 117. i 120. Poslovnika Skupštine Kantona Sarajevo – Drugi novi prečišćeni tekst (“Službene novine Kantona Sarajevo”, broj: 41/12, 15/13, 47/13, 47/15, 48/16, 9/20, 14/20, 16/22 i 17/22 – Ispravka) kojim je propisano da Skupština donosi Ustav, zakone, budžet i izvještaj o izvršenju budžeta, prostorni plan Kantona, poslovnik Skupštine, odluke i zaključke, deklaracije, rezolucije, preporuke i smjernice i daje autentična tumačenja zakona ili drugog akta te da zaključkom Skupština može zauzeti stav o pitanju koje je razmatrala, uključujući utvrđivanje obaveza za Vladu i kantonalne organe uprave u pogledu pripreme zakona ili drugih propisa i općih akata ili vršenja drugih poslova iz njihovog djelokruga.

Pravni osnov sadržan je i u čl. 23. Zakona o organizaciji organa uprave u Federaciji Bosne i Hercegovine (“Službene novine Federacije Bosne i Hercegovine”, broj: 35/05) kojim je propisano da organi uprave prate stanje u oblastima za koje su osnovani, a koje se prvenstveno odnosi na stanje izvršavanja zakona i drugih propisa, te na osnovu prikupljenih podataka izrađuju analitičke, informativne i druge materijale koje dostavljaju nadležnim izvršnim i zakonodavnim organima vlasti na razmatranje u cilju upoznavanja tih organa sa stanjem u određenoj oblasti i potrebom preduzimanja odgovarajućih mjera.

II – RAZLOZI ZA DONOŠENJE

Izrada ovog Izvještaja je programski zadatak planiran Programom rada Ministarstva, Kantona Sarajevo i Skupštine Kantona Sarajevo za 2024. godinu.

Na području Kantona Sarajevo na dan 31.12.2023. godine, evidentirano je 2.436 lica (1.108 porodica) sa priznatim statusom raseljenog lica, od čega je 274 lica (100 porodica) sa prijeratnim prebivalištem u općinama Kantona Sarajevo, 84 lica (38 porodica) iz drugih kantona Federacije BiH i 2.078 lica (970 porodica) iz entiteta Republika Srpska.

U poređenju sa brojem raseljenih lica/porodica na dan 31.12.2022. godine (2.463 lica - 1.118 porodica), vidljivo je da je broj lica sa priznatim statusom raseljenog lica na dan 31.12.2023. godine, manji za 30 lica (11 porodice).

Smanjenje broja raseljenih lica u izvještajnom periodu za 30 lica (11 porodica) rezultiralo je ukidanjem statusa licima za koja je utvrđeno da posjeduju uslovnu stambenu imovinu u mjestu privremenog boravka na području Kantona Sarajevo.

U kontinuiranoj saradnji sa nadležnim službama općina Kantona Sarajevo, a na traženje Ministarstva, dostavljaju se i izvještaji o stečenoj imovini raseljenih lica u Kantonu Sarajevo, na bazi kojih se inicira pokretanje postupka o ukidanju statusa raseljenog lica, što u krajnoj rezultanti i utiče na smanjenje broja raseljenih lica u Kantonu Sarajevo.

Zaključno sa 31.12.2023. godine, za 192 lica (70 porodica) je obezbijeđen privremeni alternativni smještaj, kako slijedi:

- 88 lica (32 porodice) su smještene u rekonstruisanom objektu kolektivnog centra u Hrasnici (23 lica – 9 raseljenih porodica i 65 lica – 23 porodice u stanju socijalne potrebe),
- 73 lica (22 porodice) smještene su u stambenoj zgradi u Ilijašu (38 lica – 12 raseljenih porodica i 29 lica – 10 porodica u stanju socijalne potrebe) i

- za 19 lica (9 porodica) sa statusom "žena-žrtva rata" smještaj je obezbijeđen u stambenoj zgradi u Tarčinu, općina Hadžići.

- za 12 lica (4 porodica) sa statusom "raseljene osobe" smještaj je obezbijeđen u stambenim objektima O-9 i O-10 na lokaciji "Otes", općina Ilidža.

Ministarstvo je u 2023. godini, finansiralo troškove zdravstvene zaštite, mjesečno u prosjeku za 170 raseljenih lica u Kantonu Sarajevo koji nisu imali drugi vid zdravstvene zaštite.

Nastavljene su aktivnosti na realizaciji Projekta "Izgradnja objekta kolektivnog stanovanja, lokalitet Šip, Općina Centar za stambeno zbrinjavanje interno raseljenih porodica i porodica u stanju socijalne potrebe – II faza" do nivoa useljenja.

U cilju provođenju državnog projekta "Zatvaranje kolektivnih centara kroz omogućavanje javnih stambenih rješenja" u okviru projekta CEB II – podprojekat Kanton Sarajevo, u rekonstruisanom objektu Kolektivnog centra u Hrasnici, Općina Ilidža, u izgrađenih 33 stana u 2023. godini, nastavljeno je stambeno zbrinjavanje raseljenih porodica i porodica u stanju socijalne potrebe (bivši korisnici Kolektivnog centra do dana kada su se stekli uslovi za useljenje) i jedan broj porodica koje su koristile neki od vidova alternativnog smještaja na području Kantona Sarajevo.

U 2023. godini, u okviru Podprojekta CEB II Projekta, nastavilo se aktivno raditi na realizaciji podprojekta u Tarčinu "Izgradnja stambene zgrade u Tarčinu-Općina Hadžići", u okviru koje je planirana izgradnja devet stanova.

Kada je u pitanju podrška održivom povratku u i van Kantona Sarajevo, tokom 2023. godine, Ministarstvo za rad, socijalnu politiku, raseljena lica i izbjeglice Kantona Sarajevo, dodijelilo je finansijske pomoći općinama i vjerskim zajednicama za rješavanje problema oko vodosnabdjevanja i asfaltiranja putnih pravaca.

U izvještajnom periodu Ministarstvo za rad, socijalnu politiku, raseljena lica i izbjeglice Kantona Sarajevo za održivi povratak za povratnike van Kantona Sarajevo je u Budžetu planiralo i realizovalo sredstva u iznosu od 313.776,25 KM.

Kada je u pitanju Plan povratka u i iz Kantona Sarajevo, Ministarstvo u 2024. godini planira realizaciju projekata obnove stambenih jedinica i održivog povratka, u svrhu stvaranja uvjeta za povratak raseljenih porodica na prijeratne adrese prebivališta, preferirajući korisnike svih vidova alternativnog smještaja, kako na području Kantona Sarajevo tako i iz Kantona Sarajevo na ostale prostore Bosne i Hercegovine.

**Bosna i Hercegovina
Federacija Bosne i Hercegovine
KANTON SARAJEVO
Ministarstvo za rad, socijalnu politiku,
raseljena lica i izbjeglice**

**IZVJEŠTAJ
O REALIZACIJI PLANA POVRATKA U I IZ KANTONA SARAJEVO
ZA PERIOD 01.01. – 31.12.2023. GODINE, SA OSVRTOM NA PROBLEMATIKU
OBEZBJEĐENJA ALTERNATIVNOG SMJEŠTAJA – PRIVREMENOG
SMJEŠTAJA
I
PLAN POVRATKA U I IZ KANTONA SARAJEVO ZA 2024. GODINU**

Sarajevo, maj 2024. godine

IZVJEŠTAJ

O REALIZACIJI PLANA POVRATKA U I IZ KANTONA SARAJEVO ZA PERIOD 01.01. – 31.12.2023. GODINE, SA OSVRTOM NA PROBLEMATIKU OBEZBJEĐENJA ALTERNATIVNOG- PRIVREMENOG SMJEŠTAJA

Izrada Izvještaja o realizaciji Plana povratka u i iz Kantona Sarajevo za period 01.01. – 31.12.2023. godine sa osvrtom na problematiku obezbjeđenja alternativnog – privremenog smještaja je programski zadatak Ministarstva za rad, socijalnu politiku, raseljena lica i izbjeglice Kantona Sarajevo utvrđen Programom rada Ministarstva za rad, socijalnu politiku, raseljena lica i izbjeglice Kantona Sarajevo (u daljem tekstu Ministarstvo), Vlade Kantona Sarajevo i Skupštine Kantona Sarajevo za 2023. godinu.

Ministarstvo po pitanju rješavanja prava raseljenih lica primjenjuje propise i druge akte koji regulišu ovu oblast:

- Zakon o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine ("Službene novine Federacije Bosne i Hercegovine", broj: 15/05);

- Zakon o raseljenim osobama-prognanicima i izbjeglicama-povratnicima u Kantonu Sarajevo ("Službene novine Kantona Sarajevo", broj: 27/05 – Prečišćeni tekst);

- Zakon o pravima lica koja se iz Kantona Sarajevo vraćaju u mjesta prijeratnog prebivališta ("Službene novine Kantona Sarajevo", broj: 18/13 i 26/13 - Ispravka);

- Zakon o humanitarnoj djelatnosti i humanitarnim organizacijama ("Službene novine Federacije Bosne i Hercegovine", broj: 35/98);

- Zakon o udruženjima i fondacijama ("Službene novine Federacije Bosne i Hercegovine", broj: 45/02);

- Uputstvo o vođenju osnovne i centralne evidencije raseljenih lica i povratnika i obrascu legitimacije raseljenih lica u Federaciji Bosne i Hercegovine ("Službene novine Federacije Bosne i Hercegovine", broj: 50/05);

- Uputstvo o načinu i procedurama odabira projekata povratka i rekonstrukcije stambenih jedinica ("Službeni Glasnik Bosne i Hercegovine", broj: 48/06);

- Standardi za obnovu i izgradnju stambenih jedinica i objekata u svrhu zbrinjavanja povratnika ("Službeni Glasnik Bosne i Hercegovine", broj: 74/12);

- Uredba o načinu ostvarivanja pomoći za održivi povratak ("Službene novine Kantona Sarajevo", broj: 3/14, 30/17 i 43/19);

- Odluka o obezbjeđivanju stambenog zbrinjavanja lica koja nisu u mogućnosti samostalno riješiti stambeno pitanje na području Kantona Sarajevo ("Službene novine Kantona Sarajevo", broj: 28/22);

- Odluka o stambenom zbrinjavanju korisnika kolektivnih i alternativnih smještaja kroz implementaciju projekta "Zatvaranje kolektivnih centara i alternativnih smještaja putem omogućavanja javnih stambenih rješenja" u okviru projekta CEB II – podprojekat Kanton Sarajevo ("Službene novine Kantona Sarajevo", broj: 31/22);

- Odluka o stambenom zbrinjavanju korisnika kolektivnih i alternativnih smještaja kroz implementaciju projekta "Zatvaranje kolektivnih centara i alternativnih smještaja putem obezbjeđenja javnih stambenih rješenja" u okviru projekta CEB II – podprojekat Kanton Sarajevo, Općina Hadžići - Tarčin ("Službene novine Kantona Sarajevo", broj: 34/22).

S obzirom da ovo ministarstvo vrši sveobuhvatno praćenje stanja broja raseljenih lica u Kantonu Sarajevo i shodno relevantnim podacima poduzima zakonom propisane mjere i aktivnosti na smanjenju broja lica sa priznatim statusom raseljenog lica, ovaj

izvještaj je također baziran na podacima prikupljenim od nadležnih institucija (Federalnog ministarstva raseljenih osoba i izbjeglica, općina u Bosni i Hercegovini, općina u Kantonu Sarajevo i međunarodnih humanitarnih organizacija.

U Izvještaju su sadržani podaci o:

- I – Raseljenim licima na dan 31.12.2023. godine i broju korisnika alternativnog smještaja;
- II – Aktivnostima na povratku u Kantonu Sarajevo,
- III – Aktivnostima na povratku iz Kantona Sarajevo na ostale prostore Bosne i Hercegovine,
- IV – Aktivnostima vezanim za podršku održivom povratku.

I – PODACI O RASELJENIM LICIMA NA DAN 31.12.2023. GODINE

Na dan 31.12.2023. godine, na području Kantona Sarajevo je evidentirano 2.436 lica (1.108 porodica) sa priznatim statusom raseljenog lica, od čega je 274 lica (100 porodica) sa prijeratnim prebivalištem u općinama Kantona Sarajevo, 84 lica (38 porodica) iz drugih kantona Federacije BiH i 2.078 lica (970 porodica) iz entiteta Republika Srpska.

U poređenju sa brojem raseljenih lica/porodica na dan 31.12.2022. godine (2.463 lica - 1.118 porodica), vidljivo je da je broj lica sa priznatim statusom raseljenog lica na dan 31.12.2023. godine, manji za 30 lica (11 porodice).

Smanjenje broja raseljenih lica u izvještajnom periodu za 30 lica (11 porodica) rezultiralo je ukidanjem statusa licima za koja je utvrđeno da posjeduju uslovnu stambenu imovinu u mjestu privremenog boravka na području Kantona Sarajevo.

U kontinuiranoj saradnji sa nadležnim službama općina Kantona Sarajevo, a na traženje Ministarstva, dostavljaju se i izvještaji o stečenoj imovini raseljenih lica u Kantonu Sarajevo, na bazi kojih se inicira pokretanje postupka o ukidanju statusa raseljenog lica, što u krajnoj rezultanti i utiče na smanjenje broja raseljenih lica u Kantonu Sarajevo.

Zaključno sa 31.12.2023. godine, za 190 lica (70 porodica) je obezbijeđen privremeni alternativni smještaj, kako slijedi:

- 88 lica (32 porodice) su smještene u rekonstruisanom objektu kolektivnog centra u Hrasnici (23 lica – 9 raseljenih porodica i 65 lica – 23 porodice u stanju socijalne potrebe),
- 73 lica (22 porodice) smještene su u stambenoj zgradi u Ilijašu (38 lica – 12 raseljenih porodica i 29 lica – 10 porodica u stanju socijalne potrebe) i
- za 19 lica (9 porodica) sa statusom "žena–žrtva rata" smještaj je obezbijeđen u stambenoj zgradi u Tarčinu, općina Hadžići.
- za 12 lica (4 porodica) sa statusom "raseljene osobe" smještaj je obezbijeđen u stambenim objektima O-9 i O-10 na lokaciji "Otes" , općina Ilidža.

Pored navedenog alternativnog smještaja, Ministarstvo je nastavilo kontinuiranu brigu u segmentu tekućeg tehničkog održavanja (redovna i vanredna dezinfekcija, dezinfekcija, deratizacija, održavanje dimnjaka, PP aparata, hidranata, ispravnosti vodovodne, kanalizacione i elektro mreže i dr.) u svim stambenim objektima kolektivnog stanovanja s napomenom da su svi stambeni objekti/zgrade vlasništvo Kantona Sarajevo.

Ministarstvo je u 2023. godini, finansiralo troškove zdravstvene zaštite, mjesečno u prosjeku za 170 raseljenih lica u Kantonu Sarajevo koji nisu imali drugi vid zdravstvene zaštite.

II – AKTIVNOSTI U OBLASTI POVRATKA U KANTON SARAJEVO

Aktivnosti na implementaciji sanacije i rekonstrukcije ratom porušenih objekata i obaveze propisane su “Uputstvom o načinu i procedurama odabira korisnika projekata povratka i rekonstrukcije stambenih jedinica” (“Službeni glasnik BiH”, broj: 48/06) i “Priručnikom za provođenje procedura u realizaciji projekata rekonstrukcije i povratka u BiH (drugo izdanje)” i u duhu uzajamnog povjerenja Ministarstvo je međusobno saradivalo sa svim relevantnim institucijama u vezi istih.

Uputstvom o načinu i procedurama odabira korisnika projekata povratka i rekonstrukcije stambenih jedinica (u daljnjem tekstu: Uputstvo) utvrđuju se kriteriji i procedure za odabir korisnika projekata povratka i rekonstrukcije stambenih jedinica, sastav i način rada Komisije za odabir korisnika, objavljivanje rezultata, izvještavanje i ugovaranje. Ovim Uputstvom se nadležnim opštinskim organima, organima Brčko Distrikta BiH i predstavnicima lokalne zajednice, kao i njihovim partnerima u procesu, pružaju uputstva i smjernice u provođenju procesa odabira prioriternih korisnika pomoći u rekonstrukciji.

Prema “Priručniku” primarni izvori finansiranja Fonda za povratak uključuju budžetska sredstva države, Federacije BiH, Republike Srpske i Brčko distrikta koja su namijenjena za povratak i rekonstrukciju. Sekundarni izvori finansiranja Fonda za povratak mogu uključiti budžete kantona koji imaju potrebu za rekonstrukcijom, međunarodna sredstva, donacije, dobrovoljne priloge, te druge rapoložive izvore.

Kako prema navedenom, obaveze Ministarstva prema raseljenim i izbjeglim osobama u odnosu na sanaciju i rekonstrukciju ratom porušenih objekata mogu biti sekundarno finansiranje, s tim u vezi, Ministarstvo je u 2023. godini planiralo cca 500.000,00 KM za unutrašnje uređenje tzv. objekta „Ivan Goran Kovačić”.

Međutim, prema informacijama sa kojima raspolaže ovo Ministarstvo, zbog problema Općine Novo Sarajevo u vezi pribavljanja urbanističke dozvole za predmetni objekat, a na koje Ministarstvo nije moglo i ne može uticati, u 2023. godini, nije došlo do početka građenja istog.

Nadalje, u izvještajnom periodu nastavljene su aktivnosti na realizaciji Projekta “Izgradnja objekta kolektivnog stanovanja, lokalitet Šip, Općina Centar za stambeno zbrinjavanje interno raseljenih porodica i porodica u stanju socijalne potrebe – II faza” do nivoa useljenja. Realizacijom projekta će se izgraditi 24 stana za stambeno zbrinjavanje interno raseljenih porodica i porodica u stanju socijalne potrebe sa područja Općine Centar Sarajevo. Projekat sufinansiraju Ministarstvo za rad, socijalnu politiku, raseljena lica i izbjeglice Kantona Sarajevo i Općina Centar Sarajevo, implementator je Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe a nadzorni organ je Zavod za izgradnju Kantona Sarajevo. Završeni su radovi na izgradnji objekta. U toku su radovi na vanjskom uređenju oko objekta, koje finansira Općina Centar Sarajevo, radovi na priključenju objekta na komunalnu infrastrukturu. Imajući u vidu da se predmetni objekat nije završio u planiranom roku, ministarstvo je od Zavoda tražilo informaciju o dinamici izvođenja građevinskih radova. S tim u vezi, Zavod je informisao da se rok za izvođenje radova na zahtjev izvođača radova G.D. „Konstrukcije” d.o.o. prolongirao do daljnjeg iz razloga promjene plana projekta kod Općine Centar.

U cilju provođenju državnog projekta "Zatvaranje kolektivnih centara kroz omogućavanje javnih stambenih rješenja" u okviru projekta CEB II – podprojekat Kanton Sarajevo, u rekonstrisanom objektu Kolektivnog centra u Hrasnici, Općina Ilidža, u izgrađenih 33 stana nastavljeno je stambeno zbrinjavanje raseljenih porodica i porodica u stanju socijalne potrebe (bivši korisnici Kolektivnog centra do dana kada su se stekli uslovi za useljenje) i jedan broj porodica koje su koristile neki od vidova alternativnog smještaja na području Kantona Sarajevo.

Zbrinjavanje je izvršeno na osnovu Odluke o obezbjeđivanju stambenog zbrinjavanja lica koja nisu u mogućnosti samostalno riješiti stambeno pitanje na području Kantona Sarajevo („Službene novine Kantona Sarajevo” broj: 28/22).

Nakon provedenog postupka i izbora korisnika stambene jedinice u kojoj se obezbjeđuje stambeno zbrinjavanje, Ministarstvo za rad, socijalnu politiku raseljena lica i izbjeglice Kantona Sarajevo je zaključilo tzv. ugovor o zakupu ove stambene jedinice sa korisnicima, u kojem su se definisali prava i obaveze ugovornih strana.

U 2023. godini, u okviru Podprojekta CEB II Projekta, nastavilo se aktivno raditi na realizaciji podprojekta u Tarčinu "Izgradnja stambene zgrade u Tarčinu-Općina Hadžići", u okviru koje je planirana izgradnja devet stanova. Projekat se finansira od strane Ministarstva za rad, socijalnu politiku, raseljena lica i izbjeglice Kantona Sarajevo (učešće sa zemljištem na osnovu Rješenja Općine Hadžići broj: 01-31.4-2596/07 od 12.09.2007. godine, kojim se stiče pravo korištenja radi građenja stambenih objekata u nizu na k.č. 239/6, 239/7 i 239/8 k.o. Tarčin) i kreditnim CEB sredstvima putem Federalnog ministarstva raseljenih osoba i izbjeglica koje je i Implementator projekta. U 2023. godini, vršene su aktivnosti izvođenja građevinskih radova na predmetnom objektu.

U izvještajnom periodu, finansirani su troškovi zdravstvene zaštite, mjesečno u prosjeku za 170 raseljenih lica, odnosno na dan 31.12.2023. godine, na području Kantona Sarajevo je evidentirano 160 lica sa priznatim statusom raseljenog lica, koja nemaju obezbjeđen drugi vid zdravstvene zaštite.

U segmentu raseljenih lica, povratka i repatrijacije aktivnosti su bile usmjerene na kontinuirane provjere vlasništva uslovne stambene imovine porodica koje u Kantonu Sarajevo imaju priznat status raseljenog lica. Navedene aktivnosti rezultirale su navedenom smanjenju ukupnog broja raseljenih lica u Kantonu Sarajevo.

U smislu prednjeg, može se konstatovati da je u izvještajnom periodu došlo do smanjenja broja raseljenih porodica/lica, najvećim dijelom ukidanjem statusa raseljenog lica za porodice za koje je utvrđeno da posjeduju stambenu imovinu uslovnu za stanovanje.

Također, nastavljene su aktivnosti za apliciranje ministarstva na projekat realizaciji Projekta CEB III "Zatvaranje kolektivnih centara i alternativnih smještaja u Bosni i Hercegovini kroz omogućavanje javnih stambenih rješenja."

S tim u vezi, Ministarstvo za rad, socijalnu politiku, raseljena lica i izbjeglice Kantona Sarajevo je u skladu sa Zaključkom Vlade Kantona Sarajevo broj: 02-04-20826-38/20 od 18.06.2020. kojim se zadužuje Zavod za izgradnju Kantona Sarajevo da pokrene postupak prenosa prava vlasništva na Kanton Sarajevo – Ministarstvo za rad, socijalnu politiku, raseljena lica i izbjeglice Kantona Sarajevo obavijestilo Zavod da je 28.02.2023. godine podnijel zahtjev prema Federalnom ministarstvu raseljenih osoba i izbjeglica da se planirani projekat „Sanacija /izgradnja 36 stambenih jedinica u Gladom Polju” uvrsti u projektni prijedlog za realizaciju CEB III projekta, u kojem se rješavaju stambeni problemi raseljenih lica i ilica u stanju socijalne potrebe po principu socijalnog stanovanja, te iz tih razloga, a imajući u vidu da pravo vlasništva nije bilo prenešeno na Ministarstvo, početak realizacije predmetnog projekta nije započet u 2023. godini.

III – AKTIVNOSTI NA POVRATKU IZ KANTONA SARAJEVO NA OSTALE PROSTORE BOSNE I HERCEGOVINE

U izvještajnom periodu iz Kantona Sarajevo na ostale prostore Bosne i Hercegovine nije registrovan povratak iz razloga što za ovu namjenu nisu bila odobrena finansijska sredstva u Budžetu Kantona Sarajevo na poziciji ovog ministarstva.

Ministarstvo je tokom 2023. godine pratiti implementaciju projekata sanacije/rekonstrukcije/izgradnje stambenih jedinica u mjestima prijeratnog prebivališta van Kantona Sarajevo i nakon potvrde o završetku istih, kod nadležnih općinskih službi u općinama u Kantonu Sarajevo pokrenuti postupak ukidanja statusa raseljenog lica, tako da će efekti smanjenja broja raseljenih lica kroz navedene donacije biti evidentirani u Izvještaju za 2024. godinu.

IV – PROJEKTI PODRŠKE ODRŽIVOM POVRATKU

Kada je u pitanju podrška održivom povratku u i van Kantona Sarajevo, tokom 2023. godine, u skladu sa Zakonom o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine (“Službene novine Federacije BiH”, broj 15/05), Zakonom o raseljenim osobama – prognanicima i izbjeglicama – povratnicima u Kantonu Sarajevo (“Službene novine Kantona Sarajevo”, broj 27/05 – Prečišćeni tekst) i Uredbom o načinu ostvarivanja pomoći za održivi povratak (“Službene novine Kantona Sarajevo”, broj: 3/14, 30/17 i 43/19), Ministarstvo za rad, socijalnu politiku, raseljena lica i izbjeglice Kantona Sarajevo, je u cilju održivog povratka dodjelilo novčana sredstva za finansiranje projekata održivog povratka te sa podnosiocima zahtjeva kojima su odobrena finansijska sredstva potpisalo Sporazume o saradnji, te donijelo Odluke o odobravanju novčane pomoći za održivi povratak kako slijedi:

- korisnik pomoći Udruženje „Srcem za Podrinje” Zvornik dobilo je finansijsku pomoć u iznosu od 7.500,00 KM za kupovinu poljoprivrednog reprodukcijskog materijala za 30 članova,
- korisnik pomoći Udruženje žena „Procvat Podrinja” Bratunac, dobilo je finansijsku pomoć u iznosu od 5.000,00 KM za kupovinu poljoprivrednog reprodukcijskog materijala za 20 članova, Bratunac,
- korisnik pomoći Općina Novi Grad, dobila je finansijsku pomoć u iznosu od 8.000,00 KM za sufinansiranje prvoza učenika povratničkog naselja Gornji Kotorac iz OŠ „Osman Nuri Hadžić”,
- korisnik pomoći Grad Goražde, dobio je finansijsku pomoć u iznosu od 50.000,00 KM za sufinansiranje nabavke opreme i mobilijara za Javnu ustanovu za predškolski odgoj i obrazovanje,
- korisnik pomoći Udruženje povratnika i održivog razvoja – Rubinići, Opština Han Pijesak dobio je finansijsku pomoć u iznosu od 8.000,00 KM za sufinansiranje sanacija dijela makadamskog puta Žeravice – Rubinići cca 4 km,
- korisnik pomoći udruženje „ Selo Crijep – u srcima našim” MZ Međeđa, opština Višegrad, dobilo je finansijsku pomoć u iznosu od 13.150,80 KM za sufinansiranje sanacije lokalnog puta Međeđa - Crijep,
- korisnik pomoći Udruženje za povratak zaštitu kulturnog i prirodnog nasljeđa, ekologiju i održivi razvoj „SOPOT”, Opština Foča, dobio je finansijsku pomoć u iznosu od 10.000,00 KM za finansiranje sanacije lokalnog makadamskog puta.

- korisnik pomoći Udruženje građana Radojna Rudo, Opština Rudo, dobilo je finansijsku pomoć 10.000,00 KM za za sufinansiranje sanacije i asfaltiranja dijela puta Dubac – Strgačina.
- korisnik pomoći Općina Ključ, dobila je finansijsku pomoć 20.000,00 KM za sufinansiranje asfaltiranja puta Vukovska brda, naselje u MZ Velagići,
- korisnik pomoći Općina Bužim, dobila finansijsku pomoć 29.997,54 KM za finansiranje dječijeg igrališta „Jarače” u MZ Lubarda,
- korisnik pomoći Grad Bosanska Krupa dobio je finansijsku pomoć od 40.000,00 KM za sufinansiranje nabavke kombija za prevoz djece iz povratničkih naselja koja pohađaju nastavu u JU „Druga Osnovna škola” Bosanska Krupa (70 učenika),
- korisnik pomoći Udruženje žena „Izlazak sunca”, Gradiška, finansijske pomoći od 5.000,00 KM nabavka osnovnih sredstava,
- korisnik pomoći RO „ Merhamet” Banja Luka, finansijska pomoć od 20.000,00 KM za sufinansiranje Projekta otvaranje merhametove kuhinje u Banjoj Luci,
- korisnik pomoći Udruženje građana povratnika u Čajniče, Slatina, finansijska pomoć od 20.000,00 KM za sufinansiranje Rekonstrukcije puta Batovo-Slatina u MZ Međurječje,
- korisnik pomoći Muratović Dževad, Han Pijesak, finansijska pomoć od 2.000,00 KM za ugradnju doniranog građevinskog materijala,
- korisnik pomoći Opština Novo Goražde, finansijska pomoć od 6.000,00 KM za sufinansiranje Obnova i izgradnja putne komunikacije od naselja Zapljevac MZ Trebeško brdo do magistralnog puta i dalje do lokalne zajednice,
- korisnik pomoći Ministarstvo znanosti, prosvjete, kulture i športa hercegbosanske županije, Osnovna škola „Fra Lovro Karaula” Livno, finansijska pomoć 15.000,00 KM za projekat Opremanje školske sportske dvorane,
- korisnik pomoći Islamska zajednica u Bosni i Hercegovini – Medžlis Islamske zajednice Livno, finansijska pomoć od 15.916,41 KM finansiranje projekta Zamjena stolarije na vakufskom objektu „Muhameda age Šćete”,
- korisnik pomoći Opština Rudo, finansijska pomoć od 10.000,00 KM za sanaciju mosta preko rijeke Lim u Mrsovu i sanaciju mosta preko rijeke Radojne u Strgačini,
- korisnik pomoći Udruženje korisnika vode MZ stjenice - Rogatica, finansijska pomoć od 5.000,00 KM za sufinansiranje projekta Izgradnja cjevovoda sa priključcima za vodosnabdjevanje naselja Kozadre,
- korisnik pomoći Udruženje povratkom za Bosnu i Hercegovinu, finansijsku pomoć od 6.250,00 KM za sufinansiranje oprojekta Rekonstrukcija Ponora u Borovčićima,
- korisnik pomoći Općina Foča, finansijska pomoć od 6.961,50 KM, za sufinansiranje projekta Sanacija putnog pravca Jabuka – Vojnići.

U izvještajnom periodu Ministarstvo za rad, socijalnu politiku, raseljena lica i izbjeglice Kantona Sarajevo za održivi povratak za povratnike van Kantona Sarajevo je u Budžetu planiralo i realizovalo sredstva u iznosu od 313.776,25 KM.

Finansijske pomoći za održivi povratak su se ogledale u sanaciji infrastrukture (putevi, mostovi, vodovod), kupovinu poljoprivrednog reprodukcijskog materijala, zamjena stolarije, ugradnja doniranog materijala, sufinansiranje prevoza učenika, nabavka kombija za povratnička naselja, otvaranje Merhametove kuhinje, opremanje školske sportske dvorane.

Napominjemo da je članom 7. potpisanih predmetnih sporazuma o saradnji u cilju održivog povratka definisano da ovo Ministarstvo može izvršiti neposrednu kontrolu i preispitivanje finansija i troškova u bilo koje vrijeme trajanja realizacije projekata kroz terenski posjet subjektima sporazuma.

Na osnovu naprijed navedenog člana ministrica za rad, socijalnu politiku, raseljena lica i izbjeglice Kantona Sarajevo je Rješenjem broj: 13-05/1-04-47381/23 od

07.11.2023. godine, imenovala Komisiju za kontrolu održivog povratka (u daljem tekstu Komisija) i istim je obavezala obilazak određenih subjekata sporazuma.

S tim u vezi, Komisija je izvršila neposrednu kontrolu i terenski posjet subjekata sporazuma i o tome ministarstvu dostavila Izvještaj broj: 13-05/01-04-47381/23 od 28.11.2023. godine.

U predmetnom izvještaju, između ostalog, navodi se da je Komisija u periodu od 15.11.2023. do 28.12.2023. godine, izvršila terenski posjet korisnika sredstava čija je ukupna izloženost rizika utvrđena kao srednja, te je izvršila pregled dostavljenih narativnih i finansijskih izvještaja korisnika sredstava.

PLAN POVRATKA U I IZ KANTONA SARAJEVO ZA 2024. GODINU

Ministarstvo u 2024. godini planira realizaciju projekata obnove stambenih jedinica i održivog povratka, u svrhu stvaranja uvjeta za povratak raseljenih porodica na prijeratne adrese prebivališta, preferirajući korisnike svih vidova alternativnog smještaja, kako na području Kantona Sarajevo tako i iz Kantona Sarajevo na ostale prostore Bosne i Hercegovine. Aktivnosti Ministarstva u 2024. godini će biti usmjereni na:

- kako na području Kantona Sarajevo, zaključno sa 31.12.2023. godine još uvijek privremeno boravi 1.118 raseljenih porodica (2.463 lica) vodit će se aktivnosti na povratku porodica sa priznatim statusom raseljenog lica u svoje prijeratne domove u i van Kantona Sarajevo koji bi trebalo da se saniraju/obnove/izgrade uz pomoć svih nivoa vlasti i nevladinih organizacija u projektima "ključ u ruku" ili doniranja građevinskog materijala;
- aktivnosti na obezbjeđenju održivog povratka u i van Kantona Sarajevo, kako bi povratničke porodice obezbjedile egzistenciju i ostale na svojim prijeratnim adresama stanovanja, a ne ponovo se vraćala u Kanton sarajevo;
- nastavak realizacije Projekta izgradnje objekta kolektivnog stanovanja/zgrade, lokalitet Šip, općina Centar, za stambeno zbrinjavanje interno raseljenih porodica i porodica u stanju socijalne potrebe – II faza, u okviru kojeg je planirana izgradnja 24 stana.
- nastavak implementacije Projekta CEB II - "Zatvaranje kolektivnih centara i alternativnog smještaja na području Bosne i Hercegovine", u okviru kojeg je na području Kantona Sarajevo planiran Podprojekat "Izgradnja objekta kolektivnog stanovanja/zgrade sa 9 stanova u Tarčinu, općina Hadžići za raseljene porodice i porodice u stanju socijalne potrebe. Raseljene porodice koje još uvijek ne mogu da se vrate u svoje prijeratne domove, privremeno će biti smještene u novoizgrađeni objekat i eventualno porodice u stanju socijalne potrebe koje nisu u mogućnosti da same riješe svoj stambeno pitanje;
- obezbjeđenje zdravstvene zaštite za raseljene porodice koje nisu osigurane ni po kojem drugom osnovu, porodice koje nisu riješile povratak u svoje prijeratne domove a nisu riješile niti ostanak u općinama privremenog trenutnog boravka;
- aktivnosti na obezbjeđenju kontinuiranog prihvata, proprata i zbrinjavanja osoba po osnovu Sporazuma o Readmisiji. Ministarstvo će kao i do sada biti spremno da provede aktivnosti na prihvatu, propratu i zbrinjavanja osoba po osnovu Sporazuma o Readmisiji.

Izvještaj pripremila: Šejla Islamović [redacted]

Kontrolisao: Miralem Dedović [redacted]

POOVLASTENJU MINISTRICE
POMOĆNIK MINISTRICE

Nurija Hodžić [redacted]



Члан 381.

Полицијска управа дужна је одмах по пријему обавјештења одстранити и смјестити у одговарајућу установу лице које се насилнички понаша или од којег пријети опасност од насилничког понашања.

Члан 382.

Поступак заштите од насилничког понашања у породици је хитан и уредиће се посебним законом Федерације.

ДЕВЕТИ ДИО

XI. КАЗНЕНЕ ОДРЕДБЕ

Члан 383.

- (1) Новчаном казном у износу од 2.000,00 до 20.000,00 КМ казниће се за прекршај правно лице, односно установа ако:
- примјерак записника о признању очинства без одлагања не достави надлежном матичару (члан 56.),
 - одмах не обавјести орган старатељства о упису дјетета без података о оцу (члан 66.),
 - не позове мајку да изјави кога сматра оцем дјетета (члан 67.),
 - не позове лице које је мајка означила оцем дјетета (члан 69.),
 - примјерак записника о признању очинства не достави надлежном матичару (члан 70.),
 - не достави записник о заснивању усвојења (члан 107.),
 - не достави правоснажно рјешење о заснивању усвојења надлежном матичару (члан 111.),
 - не достави рјешење о раскиду усвојења надлежном матичару (члан 123.),
 - не обавјести орган старатељства о повреди права дјетета, а нарочито о насиљу, злостављању, полним злоупотребима и занемаривању дјетета (члан 154.),
 - родитељу одузме право да живи са дјететом (члан 154.),
 - не обавјести надлежног матичара о стављању под старатељство и о престанку старатељства или не обавјести земљишнокњижни уред надлежног суда ради уписа старатељства у земљишну књигу (члан 170.),
 - не предузме мјере за заштиту интереса штићеника до именованог старца (члан 184.),
 - не обавјести тражиоца издржавања о заснивању новог радног односа обвезника издржавања (члан 248.),
 - не поступи по одлуци о издржавању код сваке исплате сталних новчаних примања (члан 371.),
 - не одстрани лице које се насилнички понаша или од којег пријети опасност од насилничког понашања (члан 381.).
- (2) Новчаном казном у износу од 500,00 до 3.000,00 КМ казниће се за прекршај из става 1. овог члана и одговорно лице у правном лицу односно установи.
- (3) Новчаном казном у износу од 500,00 до 2.000,00 КМ казниће се за прекршај службеник вјерске заједнице пред којим је закључен брак прије закљученог брака пред матичаром.

XII. ПРЕЛАЗНЕ И ЗАВРШНЕ ОДРЕДБЕ

Члан 384.

- Поступак у предметима у којима до дана ступања на снагу овог закона не буде донесена првостепена одлука суда или органа старатељства завршиће се по одредбама овог закона.
- Поступак по редовним и ванредним правним лијековима у предметима у којима није одлучено до дана ступања на снагу овог закона завршиће се по одредбама ранијег закона.
- Уколико по редовним и ванредним правним лијековима првостепена пресуда буде укинута, поступак ће се водити по одредбама овог закона.
- Пресуда и рјешење који су постали правоснажни прије ступања на снагу овог закона извршиће се по овом закону.

Члан 385.

Орган старатељства је ослобођен плаћања судске таксе и трошкова вјештачења у свим случајевима покретања поступака по службеној дужности.

Члан 386.

Непотпуно усвојење засновано по одредбама Породичног закона ("Службени лист СР БиХ", бр. 21/79 и 44/89, као и "Службени лист РБиХ", бр. 6/94 и 13/94) може се на захтјев усвојоца ускладити са одредбама овог закона ако су услови за заснивање потпуног усвојења постојали у моменту заснивања непотпуног усвојења и ако постоје у моменту подношења захтјева.

Члан 387.

Даном ступања на снагу овог закона престаје примјена Породичног закона ("Службени лист СР БиХ", бр. 21/79 и 44/89, као и "Службени лист РБиХ", бр. 6/94 и 13/94).

Члан 388.

Овај закон ступа на снагу осмог дана од дана објављивања у "Службеним новинама Федерације БиХ", а почеће се примјењивати истеком рока од шест мјесеци од дана ступања на снагу.

Председавајући
Дома народа
Парламента Федерације БиХ
Славко Матић, с.р.

Председавајући
Представничког дома
Парламента Федерације БиХ
Мухамед Ибрахимовић, с.р.

413

Na osnovu člana IV. B. 7a) (IV) Ustava Federacije Bosne i Hercegovine, donosim

UKAZ

O PROGLAŠENJU ZAKONA O ORGANIZACIJI ORGANA UPRAVE U FEDERACIJI BOSNE I HERCEGOVINE

Proglašava se Zakon o organizaciji organa uprave u Federaciji Bosne i Hercegovine koji je donio Parlament Federacije BiH na sjednici Predstavničkog doma od 13. aprila 2005. godine i na sjednici Doma naroda od 4. maja 2005. godine.

Broj 01-02-231/05
6. juna 2005. godine
Sarajevo

Predsjednik
Niko Lozančić, s.r.

ZAKON

O ORGANIZACIJI ORGANA UPRAVE U FEDERACIJI BOSNE I HERCEGOVINE

I. OSNOVNE ODREDBE

Члан 1.

Ovim Zakonom uređuje se organizacija i način funkcioniranja organa državne uprave u Federaciji Bosne i Hercegovine (u daljnjem tekstu: Federacija) koja obuhvata: položaj, ulogu, ustrojstvo, ovlaštenja i obaveze u obavljanju upravnih, stručnih i drugih poslova, međusobne odnose organa uprave i odnos organa uprave prema građanima, organima izvršne i zakonodavne vlasti, ombudsmenima, privrednim društvima i drugim правним licima (u daljnjem tekstu: правно лице), kao i druga pitanja od značaja za organizaciju i rad organa državne uprave na svim nivoima vlasti u Federaciji.

Члан 2.

Organi državne uprave Federacije, kantona, grada i općina (u daljnjem tekstu: органи uprave) osnivaju se za obavljanje upravnih, stručnih i drugih poslova koji se zakonom i drugim propisima stavlјaju u njihovu nadležnost.

Određene upravne poslove mogu obavljati i правна лица kada im је zakonom, odnosno odlukom općinskog i gradskog vijeća povjereno vršenje javnih ovlaštenja na način predviđen ovim Zakonom.

Члан 3.

Organi uprave dužni su u svom radu osigurati efikasno i potpuno ostvarivanje svih prava i sloboda građana koja su predviđena u Ustavu Federacije Bosne i Hercegovine (u daljnjem tekstu: Ustav Federacije) i u aktima navedenim u Aneksu Ustava Federacije Bosne i Hercegovine (u daljnjem tekstu: Aneks).

Organi uprave dužni su u poslovima iz svoje nadležnosti saradivati sa svim međunarodnim posmatračkim tijelima za ljudska prava koja su osnovana za Bosnu i Hercegovinu i Federaciju, kao i sa nadzornim organima koji su osnovani na osnovu međunarodnih dokumenata navedenih u Aneksu.

Члан 4.

Rad organa uprave zasniva se na: načelu zakonitosti, transparentnosti, јavnosti, odgovornosti, efikasnosti, ekonomičnosti, profesionalnoj nepristrasnosti i političkoј nezavisnosti, ukoliko

Inspeksijski nadzor vrše inspekcije organa uprave, kao i inspekcije koje su posebnim zakonom organizirane u okviru posebnih uprava za inspekcije.

4. Donošenje podzakonskih propisa

Član 19.

Organi uprave donose podzakonske propise predviđene ovim Zakonom kada su na to zakonom izričito ovlašteni.

5. Pripremanje propisa i davanje preporuka iz oblasti zakonodavstva

Član 20.

Organi uprave dužni su da u poslovima iz svoje nadležnosti pripremaju zakone i druge propise kada o tome odluči organ zakonodavne ili izvršne vlasti, odnosno kada samostalno ocijene da je potrebno donijeti zakon ili drugi propis, ili treba izvršiti izmjene i dopune zakona ili drugog propisa iz oblasti za koju su nadležni.

Organi uprave imaju obavezu dati preporuku organu zakonodavne ili izvršne vlasti da je potrebno donijeti zakon ili drugi propis u određenoj upravnoj oblasti i obrazložiti ciljeve koji se žele postići donošenjem tog propisa.

Član 21.

Prilikom izrade zakona i drugih propisa organi uprave obavezni su pribavljati mišljenja od drugih organa uprave ako se tim propisima reguliraju pitanja iz nadležnosti tih organa uprave, a prema potrebi mišljenja se mogu pribavljati i od odgovarajućih stručnih ustanova i zainteresiranih pravnih lica, ako je to mišljenje od značaja za uređivanje odgovarajućih pitanja iz njihove nadležnosti.

Ako se za provođenje zakona ili drugog propisa koji se predlažu moraju osigurati određena finansijska sredstva, organi uprave obavezni su u obrazloženju tog propisa iskazati orijentacijski iznos finansijskih sredstava koja su potrebna za njegovo izvršavanje i odrediti izvore iz kojih treba osigurati ta sredstva.

6. Davanje odgovora na pitanja organa zakonodavne i organa izvršne vlasti i pravnih i fizičkih lica

Član 22.

Organi uprave obavezni su pripremati i davati odgovore na pitanja organa zakonodavne, odnosno organa izvršne vlasti koja se odnose na izvršavanje zakona i drugih propisa iz njihove nadležnosti, te o stanju i problemima u oblasti za koju su organi uprave osnovani, kao i davati odgovore na pitanja pravnih i fizičkih lica u vezi sa rješavanjem njihovih prava i dužnosti u upravnom postupku.

7. Praćenje stanja u oblastima za koje su organi uprave osnovani i odgovornost za stanje u tim oblastima

Član 23.

Praćenje stanja u oblastima za koje su organi uprave osnovani odnosi se prvenstveno na stanje izvršavanja zakona i drugih propisa, što se utvrđuje na osnovu podataka koje sami prikupljaju na način predviđen zakonom ili drugim propisom, kao i podataka koje na njihov zahtjev prikupljaju, obrađuju i dostavljaju drugi organi i pravna lica i utvrđuju stanje i nastale posljedice, te u vezi sa rješavanjem utvrđenih problema preduzimaju mjere za koje su ovlašteni.

Na osnovu podataka iz stava 1. ovog člana organi uprave izrađuju analitičke, informativne i druge materijale koje dostavljaju nadležnim izvršnim i zakonodavnim organima vlasti na razmatranje u cilju upoznavanja tih organa sa stanjem u određenoj oblasti i potrebom preduzimanja odgovarajućih mjera.

Član 24.

Organi uprave odgovorni su, u okviru svoje nadležnosti, za stanje u oblastima za koje su osnovani i to u pogledu izvršavanja zakona i drugih propisa i zakonitost upravnih i drugih akata koji se donose u izvršavanju tih propisa, kao i za tačnost i ažurnost podataka koja podnose nadležnim zakonodavnim i izvršnim organima vlasti i za tačnost i ažurnost podataka o kojima, na

osnovu zakona i drugog propisa, vode propisane službene evidencije.

U ostvarivanju odgovornosti iz stava 1. ovog člana organi uprave Federacije, odnosno kantona dužni su redovno u određenim vremenskim periodima informirati Vladu Federacije, odnosno vladu kantona o stanju i problemima i mjerama koje bi trebalo preduzimati, a gradski, odnosno općinski organi uprave o tom stanju informiraju gradonačelnika, odnosno općinskog načelnika.

Kada se u određenoj oblasti ne izvršavaju zakoni i drugi propisi, organi uprave dužni su odmah preduzeti konkretne mjere za koje su ovlašteni, odnosno organima iz stava 2. ovog člana predložiti preduzimanje odgovarajućih hitnih mjera iz njihove nadležnosti za rješavanje tih problema u skladu sa zakonom.

Član 25.

Ako se u analitičkim, informativnim ili drugim materijalima koje pripremaju organi uprave zahtijevaju materijalni izdaci, organi uprave obavezni su u obrazloženju tih materijala iskazati orijentacijski iznos finansijskih sredstava koja su potrebna za provođenje tih materijala i odrediti izvore iz kojih treba osigurati ta sredstva.

III. POVJERAVANJE JAVNIH OVLAŠTENJA PRAVNIM LICIMA NA RJEŠAVANJE

Član 26.

Određeni upravni i stručni poslovi iz nadležnosti organa uprave mogu se povjeravati na vršenje pravnim licima (u daljnjem tekstu: pravna lica sa javnim ovlaštenjima) kada je to prikladno i kada se time postiže efikasnije ostvarivanje određenih prava i obaveza građana i pravnih lica.

Povjeravanje javnih ovlaštenja iz stava 1. ovog člana, vrši se federalnim zakonom za upravne i stručne poslove iz nadležnosti federalnih organa uprave, a zakonom kantona kada se radi o tim poslovima iz nadležnosti kantonalnih organa uprave, dok se odlukom gradskog, odnosno općinskog vijeća povjeravanje javnih ovlaštenja može vršiti za određene upravne i stručne poslove iz djelokruga lokalne samouprave grada, odnosno općine.

Pravnim licima sa javnim ovlaštenjima ne mogu se povjeravati poslovi inspeksijskog nadzora, osim stručnih poslova koji su od značaja za vršenje inspeksijskog nadzora kao što su ekspertize, tehnička ispitivanja i sl., ili su za vršenje tih poslova potrebna posebna stručna znanja (tehnička i druga struka), ili ako je potrebna primjena naučnih ili posebnih stručnih metoda koje se mogu osigurati samo posebnom opremom (laboratorija i dr.), a za koje u organu uprave ne postoje kadrovske, tehničke i druge mogućnosti za vršenje tih poslova.

Član 27.

Na pravna lica sa javnim ovlaštenjima, u odnosu na vršenje pitanja iz javnih ovlaštenja shodno se primjenjuju načela utvrđena u članu 4. ovog Zakona.

Zakonom, odnosno odlukom gradskog i općinskog vijeća, kojima se povjeravaju javna ovlaštenja određuje se način vršenja javnih ovlaštenja iz člana 26. ovog Zakona, kao i ovlaštenja i obaveze organa uprave u pogledu vršenja upravnog nadzora u odnosu na vršenje prenesenih javnih ovlaštenja od pravnih lica sa javnim ovlaštenjima.

Član 28.

Ako pravna lica sa javnim ovlaštenjima ne vrše povjerene poslove u skladu sa zakonom i drugim propisom, organ uprave koji vrši upravni nadzor obavezan je pisano upozoriti organ upravljanja tog pravnog lica koje vrši javna ovlaštenja i naložiti mu mjere za rješavanje tog pitanja, a prema potrebi, obavezan je preduzeti i druge mjere u okviru svojih prava i dužnosti i time osigurati da se javna ovlaštenja vrše u skladu sa zakonom i drugim propisom kojim su ta ovlaštenja povjerena.

Organ upravljanja pravnog lica sa javnim ovlaštenjima dužan je postupiti po nalogu organa uprave iz stava 1. ovog člana.

Član 29.

Upravni nadzor nad radom pravnih lica sa javnim ovlaštenjima, u vršenju upravnih poslova koji su preneseni na ta pravna lica, vrše organi uprave iz upravne oblasti i nivoa vlasti kojoj

upisanim u zk. uložak broj 2763 K.O. SP_CRNOTINA sa pravom vlasništva KJKP "Sarajevogas" d.o.o. Sarajevo sa dijelom 1/1.

II

Daje se saglasnost Kantonalnom javnom komunalnom preduzeću "Toplane - Sarajevo" d.o.o. Sarajevo da radi obezbjeđenja kredita iz tačke I ove Odluke koje će KJKP "Sarajevogas" d.o.o. Sarajevo zaključiti sa UNION bankom d.d. Sarajevo može u svojstvu sudužnika potpisati kredit kod UNION banke d.d Sarajevo.

III

Ovlašćuje se Muhamed Kozadra vršilac funkcije premijera Kantona Sarajevo da u ime Vlade Kantona Sarajevo potpiše Sporazum o međusobnim obavezama za obezbjeđenje sredstava za vraćanje kredita namijenjenog za sprečavanje obustave isporuke prirodnog gasa Kantonu Sarajevo.

IV

Zadužuje se Vlada Kantona Sarajevo da odobrena sredstva iz tačke I ove Odluke planira u Budžetu Kantona Sarajevo za 2015., 2016., 2017. i 2018. godinu.

V

Zadužuje se Preduzeće da Skupštini Kantona Sarajevo nakon kreditnog zaduženja kod komercijalne banke od odobrenog iznosa iz tačke I ove odluke, namijenjenog za sprečavanje obustave isporuke prirodnog gasa za Kanton Sarajevo, dostavi detaljan izvještaj o utrošku kreditnih sredstava sa kompletnom pratećom dokumentacijom.

VI

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-02-23828/14 Predsjedavajuća
03. septembra 2014. godine Skupštine Kantona Sarajevo
Sarajevo Prof. dr. **Mirjana Malić**, s. r.

**Zakonodavno-pravna komisija
Skupštine Kantona Sarajevo**

Na osnovu člana 8. Zakona o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 38/13) i člana 181. stav 1. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst i br. 15/13 i 47/13), Zakonodavno-pravna komisija Skupštine Kantona Sarajevo, na sjednici 22.08.2014. godine, utvrdila je Novi prečišćeni tekst Zakona o Vladi Kantona Sarajevo.

Prečišćeni tekst Zakona o Vladi Kantona Sarajevo obuhvata: Zakon o Vladi Kantona Sarajevo ("Službene novine Kantona Sarajevo" broj 24/03-Prečišćeni tekst) i Zakon o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 38/13), u kojim je naznačen dan stupanja na snagu tih zakona.

Broj 01-05-22971-1/14
22. augusta 2014. godine
Sarajevo

Po ovlaštenju
Esad Hrvaić, s. r.

ZAKON

**O VLADI KANTONA SARAJEVO
(Novi prečišćeni tekst)**

I - OPĆE ODREDBE

Član 1.

Ovim zakonom uređuje se sastav i organizacija, kao i druga pitanja od značaja za rad Vlade Kantona Sarajevo (u daljem tekstu: Vlada Kantona).

Član 2.

Vlada Kantona je izvršna vlast Kantona Sarajevo (u daljem tekstu: Kanton), u skladu sa Ustavom.

Član 3.

Vlada Kantona vrši svoja prava i dužnosti na osnovu i u okviru Ustava i ovog zakona.

Član 4.

Sjedište Vlade Kantona je u Sarajevu.

Član 5.

Vlada Kantona donosi poslovnik o radu kojim se uređuje: organizacija i način rada, postupak i način zakazivanja sjednice; dostavljanje i forma materijala za razmatranje, utvrđivanje prijedloga zaključaka i drugih akata; postupak razmatranja materijala; način ravnopravne upotrebe jezika i pisma konstitutivnih naroda u pripremi i izradi pisanih materijala; način izvršavanja zaključaka; prenošenje ovlaštenja i druga poslovnička pitanja.

Član 6.

Vlada Kantona raspolaze imovinom u vlasništvu Kantona u okviru ovlaštenja koja joj Skupština Kantona prenese posebnim propisom.

II - SASTAV I ORGANIZACIJA VLADE KANTONA

Član 7.

Vladu Kantona čine premijer Kantona (u daljem tekstu: premijer) i 12 ministara.

Član 8.

U slučaju privremene spriječenosti premijera, funkciju premijera vrši član Vlade kojeg odredi premijer.

U slučaju privremene spriječenosti premijera duže od 30 dana, funkciju premijera vrši član Vlade kojeg odredi predsjedavajući Skupštine Kantona, u konsultaciji sa zamjenicima predsjedavajućeg Skupštine Kantona.

U slučaju da mjesto premijera ostane upražnjeno, kandidat za premijera se imenuje u roku od 30 dana od dana kada je mjesto premijera ostalo upražnjeno, na način utvrđen ustavom, do kada funkciju premijera obavlja član Vlade Kantona kojeg odredi predsjedavajući Skupštine Kantona, u konsultaciji sa zamjenicima predsjedavajućeg Skupštine Kantona.

S danom imenovanja kandidata za premijera smatra se da su dosadašnji članovi Vlade u ostavci, koja stupa na snagu danom potvrđivanja imenovanja Vlade u novom sazivu.

Do potvrđivanja imenovanja Vlade u novom sazivu dosadašnji članovi Vlade nastavljaju s obavljanjem funkcije članova Vlade i ministara ministarstava.

Potvrđivanje Vlade u novom sazivu obaviti će se u roku od 30 dana od dana imenovanja kandidata za premijera.

Član 9.

U slučaju privremene spriječenosti člana Vlade, kada se razmatraju materijali iz nadležnosti ministarstva kojim rukovodi odsutni član Vlade, sjednicama Vlade prisustvuje sekretar tog ministarstva, bez prava glasa.

U slučaju privremene spriječenosti člana Vlade duže od 30 dana, funkciju ministra ministarstva kojim rukovodi odsutni ministar vrši član Vlade kojeg odredi premijer.

U slučaju da mjesto člana Vlade ostane upražnjeno, član Vlade se imenuje u roku od 30 dana od dana kada je mjesto člana Vlade ostalo upražnjeno, na način utvrđen ustavom, do kada funkciju ministra ministarstva kojim je rukovodio dotadašnji ministar obavlja član Vlade kojeg odredi premijer.

Ministar iz st. 2. i 3. ovog člana kojeg odredi premijer, ne obavlja i funkciju člana Vlade umjesto odsutnog ministra.

Član 10.

U slučaju kad Skupština izglasa nepovjerenje Vladi, premijer i članovi Vlade podnose pismenu ostavku, najkasnije u roku od

sedam dana od dana kada im je izglasano nepovjerenje, s tim da ostavka stupa na snagu danom potvrđivanja Vlade u novom sazivu.

U periodu od dana podnošenja ostavke do dana potvrđivanja Vlade u novom sazivu, Vlada u ostavci obavlja sve poslove iz svoje nadležnosti, u skladu sa ustavom i zakonom.

Potvrđivanje Vlade u novom sazivu mora se izvršiti najkasnije u roku od 60 dana od dana izglasavanja nepovjerenja prethodnoj Vladi.

Član 11.

Ministri odgovaraju premijeru i Skupštini Kantona.

Premijer je odgovoran Skupštini Kantona.

Ministri snose krajnju odgovornost za rad svojih ministarstava.

Vlada Kantona podnosi ostavku ako joj u bilo koje vrijeme Skupština Kantona izglasa nepovjerenje.

Član 12.

Premijer i članovi Vlade mogu podnijeti ostavku.

Premijer podnosi ostavku predsjedavajućem Skupštine Kantona, a potvrđuje je Skupština Kantona na prvoj narednoj sjednici.

Kad premijer podnese ostavku, smatra se da su ostavku podnijeli svi članovi Vlade.

Član Vlade podnosi ostavku premijeru.

Član 13.

Ako Skupština Kantona prihvati ostavku premijera, premijer i Vlada će obavljati sve poslove iz svoje nadležnosti, do imenovanja nove Vlade, u skladu sa članom 8b. stav 2. ovog Zakona.

Ako premijer prihvati ostavku pojedinog člana Vlade, rješenje o razrješenju potvrđuje Skupština Kantona na prvoj narednoj sjednici.

Ministar može obrazložiti ostavku u Skupštini Kantona.

Premijer će novog člana Vlade imenovati i predstaviti na sjednici Skupštine Kantona i zatražiti glasanje o potvrđivanju imenovanja tog člana, u roku iz člana 8a. stav 3. Zakona.

Član 14.

Konstitutivni narodi i pripadnici ostalih biće proporcionalno zastupljeni u Vladi. Takva zastupljenost će odražavati popis stanovništva iz 1991. godine do potpune provedbe Aneksa VII Dejtonskog mirovnog sporazuma.

Član 15.

Premijer i ministri, nakon potvrđivanja od strane Skupštine Kantona, daju svečanu izjavu pred predsjedavajućim Skupštine Kantona.

Vlada Kantona preuzima dužnost nakon potvrđivanja od strane Skupštine Kantona i davanja svečane izjave.

Član 16.

Vlada Kantona imenuje i razrješava sekretara Vlade Kantona u skladu sa zakonom kojim se reguliše državna služba.

Sekretar Vlade odgovara za svoj rad premijeru Vlade i Vladi.

III - NAČIN RADA I ODLUČIVANJA VLADE KANTONA

Član 17.

Radom Vlade Kantona rukovodi premijer koji predstavlja i zastupa Vladu Kantona, saziva sjednice Vlade Kantona, predlaže dnevni red i predsjedava sjednicama.

Član 18.

Vlada Kantona radi i odlučuje u sjednicama.

Vlada Kantona može odlučivati ako sjednici prisustvuje više od polovine članova Vlade Kantona, a sve odluke Vlade Kantona donose se prostom većinom članova Vlade Kantona koji glasaju.

U slučaju većih elementarnih nepogoda, nesreća ili drugih neposrednih društvenih opasnosti, Vlada donosi odluke prostom većinom glasova prisutnih članova Vlade koji glasaju.

IV - RADNA TIJELA VLADE KANTONA

Član 19.

Za razmatranje pitanja iz nadležnosti Vlade Kantona, davanje prijedloga i mišljenja o tim pitanjima, vršenje određenih poslova i zadataka u vezi sa provođenjem zaključaka Vlade Kantona, kao i za vršenje drugih poslova, Vlada Kantona može obrazovati stalna i povremena radna tijela (savjete, urede, komitete, odbore, komisije i dr).

Sastav i nadležnost radnih tijela iz stava 1. ovog člana uredit će se Poslovníkom Vlade Kantona ili aktom o obrazovanju radnog tijela.

Član 20.

Za donošenje rješenja u upravnom postupku i odlučivanje o drugim pojedinim pitanjima iz njene nadležnosti Vlada Kantona može obrazovati jednu ili više komisija čije članove imenuje iz reda članova Vlade.

V - NADLEŽNOST I ODGOVORNOST PREMIJERA I ČLANOVA VLADE KANTONA

Član 21.

Premijer rukovodi radom Vlade Kantona i odgovoran je za njen rad, osigurava jedinstvo u izvršavanju poslova iz nadležnosti Vlade Kantona, ostvaruje saradnju sa drugim organima i usmjerava djelovanje Vlade Kantona kao cjeline i članova Vlade Kantona pojedinačno, te vrši i druge poslove utvrđene ustavom.

Premijer potpisuje akte Vlade Kantona.

Član 22.

Članovi Vlade Kantona mogu pokrenuti inicijative za donošenje zakona i drugih propisa iz nadležnosti Vlade Kantona, predlagati razmatranje i pretresanje pojedinih pitanja iz nadležnosti Vlade Kantona, predlagati utvrđivanje stavova Vlade Kantona i imaju druga prava i dužnosti utvrđena ustavom i zakonom.

Član 23.

Članovi Vlade Kantona su odgovorni i za zastupanje i provođenje zaključaka Vlade Kantona u poslovima koje im Vlada Kantona povjeri, kao i za blagovremeno pokretanje inicijative za rješavanje pitanja u okviru zadataka koje im je povjerila Vlada Kantona ili premijer.

Član 24.

Članovi Vlade Kantona određeni da učestvuju u radu drugog organa i tijela dužni su postupati u skladu sa ovlaštenjima, smjernicama i stavovima Vlade Kantona.

Članovi Vlade Kantona su dužni svoju aktivnost ostvarivati tako da, pored poslova za koje su lično zaduženi, prate i pitanja iz djelokruga Vlade Kantona za koja nisu lično zaduženi i da svojim prijedlozima i mišljenjima doprinose odgovornom, zakonitom i efikasnom radu Vlade Kantona.

VI - SEKRETAR VLADE KANTONA

Član 25.

Sekretar Vlade Kantona prema uputstvima premijera i Vlade u skladu sa Poslovníkom, stara se o pripremanju sjednice Vlade i dostavljanju materijala potrebnih za rad Vlade i njenih radnih tijela, pomaže premijeru u vršenju njegovih prava i dužnosti u vezi sa organizacijom i pripremanjem sjednica Vlade i izvršavanju zaključaka Vlade, obezbjeđuje radnim tijelima Vlade pomoć i saradnju stručnih i drugih službi i vrši i druge poslove u vezi s radom Vlade koje mu povjeri premijer.

Sekretar Vlade je naredbodavac za izvršenje finansijskog plana Vlade.

VII - AKTA VLADE KANTONA

Član 26.

Vlada Kantona u ostvarivanju svojih nadležnosti utvrđenih ustavom donosi uredbе, odluke, rješenja i zaključke.

Član 27.

Izuzetno za vrijeme trajanja ratnog stanja ili neposredne ratne opasnosti kada postoji objektivna nemogućnost da se sazove Skupština Kantona, Vlada može donositi i propise iz nadležnosti Skupštine Kantona.

Propisima iz stava 1. ovog člana ne mogu se staviti van snage prava i slobode utvrđene ustavom i drugim propisima.

Propise iz stava 1. ovog člana Vlada će dostaviti Skupštini na potvrdu čim ona bude u mogućnosti da se sastane.

Član 28.

Uredbom se uređuju najvažnija pitanja iz nadležnosti Vlade Kantona, bliže uređuju odnosi za provođenje zakona, obrazuju stručne i druge službe Vlade Kantona i utvrđuju načela za unutrašnju organizaciju organa uprave Kantona.

Odlukom se uređuju pojedina pitanja ili propisuju mjere Vlade Kantona, daje saglasnost ili potvrđuju akta drugih organa ili organizacija i odlučuje o drugim pitanjima o kojima se ne odlučuje uredbom.

Rješenjem se odlučuje o imenovanjima i razrješenjima, kao i o drugim pojedinačnim pitanjima iz nadležnosti Vlade Kantona.

Zaključkom se utvrđuju stavovi o pitanjima od značaja za provođenje utvrđene politike, uređuju unutrašnji odnosi u Vladi Kantona i određuju zadaci organima uprave i službama, kao i radnim tijelima Vlade Kantona. Zaključkom se odlučuje i u drugim slučajevima u kojima se ne donose druga akta.

Član 29.

Uredbe i odluke Vlade Kantona objavljuju se u "Službenim novinama Kantona Sarajevo", a ostali akti Vlade ako je to u njima navedeno.

VIII - JAVNOST RADA VLADE KANTONA

Član 30.

Javnost rada Vlade Kantona obezbjeđuje se u skladu sa zakonom kojim se reguliše sloboda pristupa informacijama u Federaciji Bosne i Hercegovine.

IX - STRUČNE I DRUGE SLUŽBE KANTONA

Član 31.

Za obavljanje stručnih i drugih poslova za potrebe Skupštine Kantona, Vlade Kantona i organe uprave, Vlada Kantona može osnivati određene stručne, tehničke i druge službe, kao zajedničke ili samostalne službe, u skladu sa zakonom.

Aktom o obrazovanju službe iz prethodnog stava, utvrđuje se njen djelokrug, kao i status i odgovornost te službe i lica koje njom rukovodi.

Član 32.

Vlada Kantona vrši nadzor nad radom stručnih službi koje obrazuje.

Sekretar Vlade Kantona rukovodi radom Stručne službe koja obavlja poslove za potrebe Vlade Kantona i odgovoran je za njen rad.

X - PRELAZNE I ZAVRŠNE ODREDBE

Član 33.

Vlada Kantona je dužna donijeti Poslovnik o svom radu u roku od 30 dana od svog konstituisanja.

Član 34.

Vlada Kantona Sarajevo dužna je uskladiti Poslovnik o radu sa odredbama Zakona o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 38/13), u roku od 30 dana od dana njegovog stupanja na snagu.

Član 35.

Poslovnik Izvršnog odbora Grada Sarajeva i drugi propisi koji se odnose na njegovo unutrašnje organizovanje i funkcionisanje, koji su na snazi na dan stupanja na snagu Zakona o Vladi Kantona Sarajevo ("Službene novine Kantona Sarajevo", broj 7/96), ukoliko nisu u suprotnosti sa Ustavom Kantona i ovim zakonom, primjenjivaće se kao propisi Vlade, dok se ne donese Poslovnik o radu Vlade Kantona.

Član 36.

Do imenovanja premijera i članova Vlade u skladu sa Zakonom o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 4/01), poslove iz nadležnosti Vlade vršit će Vlada u dosadašnjem sastavu.

Član 37.

Ovlašćuje se Zakonodavno-pravna komisija Skupštine Kantona Sarajevo da utvrdi Novi prečišćeni tekst Zakona o Vladi Kantona Sarajevo.

Član 38.

Zakon o izmjenama i dopunama Zakona o Vladi Kantona Sarajevo stupio je na snagu osmog dana od dana objavljivanja u "Službenim novinama Kantona Sarajevo", broj 38/13.

Na osnovu člana 16. Zakona o izmjenama i dopunama Zakona o sudskim taksama ("Službene novine Kantona Sarajevo", broj 18/14) i člana 181. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst i br. 15/13 i 47/13), Zakonodavno - pravna komisija Skupštine Kantona Sarajevo, na sjednici 22.08.2014. godine, utvrdila je Prečišćeni tekst Zakona o sudskim taksama.

Prečišćeni tekst Zakona o sudskim taksama obuhvata: Zakon o sudskim taksama ("Službene novine Kantona Sarajevo", broj 21/09), Zakon o izmjenama i dopunama Zakona o sudskim taksama ("Službene novine Kantona Sarajevo", broj 29/09), Zakon o izmjeni Zakona o sudskim taksama ("Službene novine Kantona Sarajevo", broj 14/11), Zakon o izmjenama Zakona o sudskim taksama ("Službene novine Kantona Sarajevo", broj 36/13) i Zakon o izmjenama i dopunama Zakona o sudskim taksama ("Službene novine Kantona Sarajevo", broj 18/14), u kojim je naznačen dan stupanja na snagu tih zakona.

Broj 01-05.22971-2/14
22. augusta 2014. godine
Sarajevo

Po ovlaštenju
Esad Hrvaić, s. r.

ZAKON

O SUDSKIM TAKSAMAMA

(Prečišćeni tekst)

DIO PRVI. OPĆE ODREDBE

Član 1.

(Plaćanje sudske takse)

- (1) Ovim zakonom utvrđuje se način plaćanja sudskih taksa (u daljnjem tekstu: takse) u postupku pred Kantonalnim sudom u Sarajevu i Općinskim sudom u Sarajevu (u daljnjem tekstu: sud).
- (2) Postupci u kojima se plaća taksa i visina takse za pojedine radnje, utvrđeni su u Tarifi sudskih taksi, koja je sastavni dio ovog zakona.

Član 2.

(Obveznik plaćanja takse)

- (1) Takse propisane ovim zakonom plaća lice po čijem zahtjevu ili u čijem interesu se preduzimaju radnje u postupku, za koje je ovim zakonom utvrđeno plaćanje takse (u daljnjem tekstu: takseni obveznik).
- (2) Za podneske i zapisnike koji zamjenjuju podneske taksu je dužno da plati lice koje podnosi podneske i lice na čiji zahtjev

Član 4.

Izvršetak o izvršenju Budžeta Općine Vogošća za period 01.01.2014.-30.06.2014. godine, objavit će se u "Službenim novinama Kantona Sarajevo".

Broj 01-14-1780/14
08. septembra 2014. godine
Vogošća

Predsjedavajući
Općinskog vijeća Vogošća
Esad Pikanjač, s. r.

ISPRAVKA

Na osnovu člana 164. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst, br. 15/13 i 47/13), sekretar Skupštine Kantona Sarajevo, nakon podnesenog zahtjeva za ispravku Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst) daje slijedeću

ISPRAVKU

ZAKONA O VLADI KANTONA SARAJEVO

("Službene novine Kantona Sarajevo", broj 36/14 - Novi prečišćeni tekst)

1. U članu 13. stav 1. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst), umjesto riječi: "članom 8b.", treba da stoji riječi: "članom 10.".
2. U članu 13. stav 4. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst), umjesto riječi: "člana 8a.", treba da stoji riječi: "člana 9.".
3. Ovu ispravku objaviti u "Službenim novinama Kantona Sarajevo".

Broj 01-05-22971-1-1/14
12. septembra 2014. godine
Sarajevo

Sekretar
Skupštine Kantona Sarajevo
Abid Kolašinac, s. r.

FEDERALNI ZAVOD ZA STATISTIKU

SAOPĆENJE

**O PROSJEČNOJ ISPLAĆENOJ MJESEČNOJ NETO
PLAĆI ZAPOSLENIH U KANTONU SARAJEVO ZA
JULI/SRPANJ 2014. GODINE**

1. Prosječna isplaćena mjesečna neto plaća po zaposlenom ostvarena u Kantonu Sarajevo za juli/srpanj 2014. godine iznosi 1.045 KM.

Broj 39
11. septembra 2014. godine

Direktor
Hidajeta Bajramović, s. r.

SLUŽBENE OBJAVE

UDRUŽENJA

Na osnovu člana 29. stav 1. Zakona o udruženjima i fondacijama ("Službene novine Federacije BiH", broj 45/02), a po zahtjevu Udruženja "ODRED IZVIĐAČA RAKOVICA 9", Ministarstvo pravde i uprave donosi

RJEŠENJE

1. Upisuje se u registar udruženja koji se vodi kod Ministarstva pravde i uprave Kantona Sarajevo Udruženje "ODRED IZVIĐAČA RAKOVICA 9", skraćeni naziv je OI RAKOVICA 9, sa sjedištem u Rakovici, ulica RAKOVIČKA CESTA broj 471.
2. Upis je izvršen pod registarskim brojem 1942. knjiga IV registra udruženja, dana 12.06.2014. godine.
3. Programski ciljevi i zadaci Udruženja su: Razvoj i unapređenje izviđaštva u lokalnoj zajednici; razvoj kod svojih članova za poštivanje ljudi, razvijanje prijateljstva među ljudima, narodima, kako u lokalnoj zajednici, tako i na međunarodnom nivou, provođenje načela koje se temelje na savremenim pedagoškim spoznajama kao i na zamislama utemeljitelja izviđačkog sporta Sir Robert Baden Powella; pridonosenje razvoju djece i mladih, na dostizanju njihovih punih umnih i tjelesnih potencijala, kao pojedinca, odgovornih građana i članova lokalne, nacionalne i međunarodne zajednice; organizovanje izviđačkih škola za učenike osnovnih i srednjih škola, kao i studenata radi sticanja izviđačkih znanja i vještina; organizovanje izviđačkih kampova, od lokalnog do međunarodnog nivoa, organizovanje časova ekološke edukacije, članova i građana o značaju zaštite čovjekove okoline radi sprječavanja od svih vidova i oblika zagađivanja, te drugi ciljevi i djelatnosti u skladu sa zakonom i Statutom.
4. Osoba ovlaštena za zastupanje i predstavljanje je: Baberović Anes - predsjednik Upravnog odbora.

Broj 03-05-05-3053/14
12. juna 2014. godine
Sarajevo

Ministrica
Velida Memić, s. r.

(O-874/14)